

宋  
名  
家  
詞

金谷遺音

目錄

水調歌頭 六調

寶鼎硯 一調

眼兒嬌 二調

臨江仙 五調

鷓鴣天 十二調

卜算子 四調

漁家傲 二調

洞仙歌 一調

念奴嬌 五調

醉落魄 四調

醜奴兒 一調

西江月 三調

踏莎行

二調

望海潮

二調

虞美人

二調

水龍吟

一調

長相思

四調

品令

一調

點絳脣

六調

玉樓春

十一調

西地錦

一調

朝中措

一調

阮郎歸

一調

滿江紅

一調

浪淘沙

一調

聲聲慢

一調

憶秦娥

一調

菩薩蠻

三調

惜奴嬌

二調

江城子

二調

如夢令

三調

亭前柳

一調

好事近

二調

夜行船

二調

茶瓶兒

一調

清平樂

六調

一剪梅

一調

浣溪沙

四調

謁金門

五調

杏花天

一調

南柯子

六調

武陵春

一調

減字木蘭花

三調

柳梢青

一調

烏夜啼

一調

愁倚闌

二調

滿庭芳

四調

夏漏子

二調

行香子

一調

画堂春

一調

山花子

一調

燕歸梁

一調

望江南

一調

青玉案

一調

蝶戀花

三調

驀山溪

三調

千秋歲

一調

傳言玉女

一調

金谷遺音目錄

終

金谷遺音

宋 石孝友

水調歌頭

送張左司

君恩九鼎重臣命一毫輕出身事主剛甚須作  
不平鳴老却西山薇蕨閒損南窗松菊羞死漢  
公卿豺狼敢橫道草木要知名 秋已素人又  
去若爲情長沙何在風送嗚咽算潮聲舉棹却  
尋歸路揮塵莫談時事得酒且頻傾一片古時

月千里伴君行

又

上清江李  
中生長

清霜洗空闊。黍管吹秋灰。七萸餘翠。半月流素影。徘徊天遣蟠桃仙。李笑折一枝丹桂。積慶到雲來。風骨峭冰玉。談辦屑瓊瑰。黃閣老金閨。彥謫仙才小。分銅竹。遍洒雨露。楚江隈。好把蕭灘玉筍。變作嘉肴芳酒。爲壽莫停盃。飛詔下霄漢。調鼎待鹽梅。

又

趙倅  
生辰

蕭灘韵環珮玉筍燦玲瓏仙源積慶當日占夢  
兆維熊學業肯先歆向文煥已高白賀飛步更  
蟾宮秀色溢睂宇雄辯倒心胷作兒戲爲親  
壽捧霞鍾彩衣摇曳光映懷橘墮雙紅正好平  
分風月且伴能言桃李鯨汲海濤洪行赴紫泥  
詔歸拜黑頭公

又



男兒四方志豈久困泥沙束書匣劒依舊旅食  
在京華蹭蹬青雲未遂奔走紅塵何計歛衽且  
還家草木漸黃落風月正清嘉 友猿鶴宅丘  
壑樂生涯幾時雷雨轟磕平地起龍蛇尺筭可  
鞭夷狄寸舌可孟社稷無路踏雲車今古萬千  
事洒淚向黃花

又

美人在何許相望正悠悠雲窗霧閣遙想宛在

海中洲空對殘雲冷雨何限重山疊水一夢到  
無由遺怨寫紅葉薄倖記青樓金烏擲玉蟾  
缺物華休鳳梧鴛并一夜風露各驚秋唯有遠  
山無賴淡埽一眉晴綠特地向人愁歛袂且歸  
去回首謾遲畱

又

高情邈雲漢長揖謝君侯脫遺軒冕簸弄泉石  
下清幽心契匡廬猿鶴淚染固陵松栢一衲且

蒙頭風月感平髮  
魂夢遶神州  
漾一葉樣孤  
管去來休琵琶  
亭畔正是楓葉  
荻花秋點檢  
詩囊酒盃擡帖  
舞裊歌扇收  
盡兩眉愁  
回望碧雲  
合相伴赤松遊

寶鼎現

上元上江  
西劉樞密

雪梅清瘦月桂圓  
冷天街新霽  
想帝輦三朝薄  
算催促燭龍開  
扇雉正拜舞  
捧玉卮爲壽  
花滿香銷鳳髓  
罄禹穴胥濤  
萬頃春入南山  
聲裏

鼎軸元老詩書帥體宸衷奉雙親意勤色養行  
春惜花夜懼宴瑤池衣綵戲鼓淑氣遍湖山千  
里驚破慳紅澀翠笑卬箇癡兒無賴打得金  
魚墜地休念太平當年手把青藜照字對珠簾  
雲棟收拾歌舞輟慶母愛小寬王事看不日歸  
步沙堤又贊重華孝治

眼兒嬌

何須著粉更施朱元不在粧梳尋常結束珊瑚

環珮短短裙襦 花羞柳妬空撩亂  
冰雪做肌膚而今便好小名弄玉小字瓊奴

又

愁雲淡淡雨蕭蕭  
算算復朝朝別來應是睂峰翠減  
腕玉香銷 小軒獨坐相思處  
情緒好無聊一叢萱草幾竿脩竹  
數葉芭蕉

臨江仙

一霎狂雲驚雨過  
月華恰到簾帷檻前  
疊石翠

參差洞房相見處燈火乍涼時  
睡玉眠花愁  
夜短匆匆笑惜佳期風梧不動酒醒遲  
好同蝴蝶夢飛上鳳皇枝

又

醉袖吟鞭行色裏帽簷低處風斜晚  
山一半被雲遮殘陽明遠水古木集栖鴉  
暮去朝來緣底事不如早早還家  
曲屏深幌小窗紗翠沾眉上柳紅  
揜臉邊花

又

買笑當歌何處好  
小樓四面江山玉梅枝上卸  
餘寒雨隨春到急風向晚來顛  
任自腰圍都瘦損肯教懽意闌珊  
引盃相屬莫畱殘花和人  
競好人與月爭圓

又

枕上鶯聲初破睡  
峭寒輕透簾幃起來惆悵有  
誰知雨狂風轉急揉損好花枝  
薄倖別來春

又老等閒悞却佳期斜陽影裏立多時遠山何  
事□相對感修眉

又

常記夢雲樓上住殘燈影裏遲留依稀綠慘更  
紅羞露痕雙臉淚山樣兩眉愁數片輕帆天  
際去雲濤煙浪悠悠今宵獨宿古江頭水腥魚  
菜市風碎荻花洲

鷓鴣天



收拾眉尖眼尾情當筵相見便相親偷傳翡翠  
歌中意暗合鴛鴦夢裏身雲態度月精神月  
流雲散兩無情覺來一枕淒涼恨不敢分明說  
向人

又

收拾眉尖眼尾情夜來真個夢傾城鴛鴦有底  
情難盡蝴蝶無端夢易驚愁一掬月三更繡  
帷應好睡輕盈知他莫有相憐分展轉尋思直

到明

又

別後應憐信息疎  
西風幾度到庭梧  
夜來縱有鴛鴦夢  
春去空餘蛺蝶圖  
煙樹遠塞鴻孤  
垂天影帶平蕪憑誰寫此相思曲  
寄與馮川鄭

小奴

一云金陵  
小道姑

又

家在東湖湖上頭  
別來風月爲誰畱  
落霞孤鶩

齊飛處南浦西山相對愁  
真了了好休休莫  
教辜負菊花秋浮雲富貴何須羨  
画餅聲名肯  
浪求

又

花漏聲乾月隱牆  
瑣灰迎曉透新陽  
物情漸逐  
雲容好  
懽意偏隨日脚長  
山作鼎玉爲漿  
壽  
盃鼓處  
豔梅粧  
醉鄉路接華胥國  
應夢朝天侍  
赭黃

又

玉燭調元黍律均迎長嘉節屬芳辰雲如惜雨  
鉤牽雪梅不禁風漏泄春天意好物華新儉  
閒羸取酒邊身太平朝野都無事且與鶯花作  
主人

又

一夜冰漸滿玉壺五夏喜氣動洪爐門前桃李  
知麟集庭下芝蘭看鯉趨泉脉動草心蘇日

長添得繡工夫試探補袞彌縫手真個曾添一  
線無

又

一別音塵兩杳然不堪虛度菊花天驚秋遠雁  
橫斜宇噪晚哀蟬斷續絃好消息惡姻緣涼  
宵如水復如年夢魂不怕風波險飛過江西阿  
柳邊

又

屏幃重重翠幕遮  
蘭膏煙燠篆香斜  
相思樹上雙栖翼  
連理枝頭竝蒂花  
歆鳳髻  
鞦烏紗  
雲慵雨困  
興無涯  
箇中贏得平生事  
兔走烏飛一任他

又

旅中  
中秋

露葉披殘露顆傳  
明星著地月流天  
不辭獨賞窮今夜  
應爲相逢憶去年  
辜窈窕  
負嬋娟  
誰知兩處照孤眠  
姮娥不怕離人怨  
有甚心情獨

自圓

又

冬至上  
李潜

萬里羈孤困一簞平頭四十誤儒冠舜絃廣播  
薰風煥鄒律潛消黍谷寒樓謾倚劒休彈看  
君行復上金鑾鳳池波裏求餘潤蛭肆泥中豈  
久蟠

又

慶徐元  
齋生子

六十仙翁抱桂栽果符吉夢誕英才上天與降

麒麟種明月還生蚌蛤胎  
華閣啓玳筵開快  
呼玉手捧金罍  
要知遠地無功客曾到高門托  
賀來

卜算子

人自蕊宮來微步香雲擁  
小試擗前白雪歌  
葉  
葉秋聲動  
一剪豔波橫  
兩點愁山重  
收拾睂  
尖眼尾情作個鴛鴦夢

又



見也如何算別也如何遽別也應難見也難後  
會難憑據去也如何去住也如何住住也應  
難去也難此際難分付

又

折得月中枝坐惜青春老及至歸來能幾時又  
踏關山道滿眼秋光好相見應須早若赴重  
陽不到家只怕黃花笑

又

孟撫幹歲寒  
三友屏風

冷蕊闌紅香瘦節攢蒼玉更著堂堂十八翁取  
友三人足惜此歲寒姿移向屏山曲紙帳熏  
爐結勝緣故伴仙郎宿

漁家傲

送李惠言徐元  
集赴試南宮

射虎將軍褰繡帽西園公子南山豹共跨龍媒  
銜鳳沼風色好宮花御柳迎人笑劒履醒醒  
天日表集英殿下春來早雙鶚盤空擎百鳥  
來  
來了藍袍錦水光相照

又

夜半潮聲來枕上  
擊殘夢破驚魂蕩  
見說錢塘雄氣象  
披衣望碧波堆裏  
排銀浪月影徘徊  
天滉漾金戈鐵馬  
森相向洗盡塵根  
磨業障增豪放  
從公筆力詩詞壯

洞仙歌

芙蓉院宇露下秋容瘦  
龜鶴仙人獻長壽  
問蓬山別後幾度春  
歸歸去晚開得蟠桃  
斲句人

閒遊戲好鯨背風高邨夏相將鳳雛九事蘋繁  
工翰墨才德兼全人總道古今稀有儘從他曷  
免促年華看綠鬢朱顏鎖長依舊

念奴嬌

上洪帥王千道生辰正月十六日用東坡韵

半千寶運瑞清朝誕育人間英物暝律吹灰春  
到也遲日光騰東壁婺女雙溪沈郎八詠輝映  
皆冰雪儲精毓秀幾年一個人傑須信和氣  
隨人粉黛欺黛柳嬌春爭發翠幙重重稱壽處

蓮炬蕙煙明滅鼎席猶虛九重頻念此袞衣華  
髮明年今夜鳳池應醉花月

又

悶紅顰翠惜流年忍對豔陽時節白玉樓成人  
去後兩地青塵都絕鸞鑑分飛夢雲零亂懽意  
今衰颯墨痕紅淡憶曾題遍紅葉須信後約  
難憑臂嚙鬟剪也只成虛設滿眼淒涼無限事  
付與丁香愁結欲語情酸臨岐步嬾悵望蘭舟

發出門誰伴淚昏一片孤月

又

平湖閣上正殘虹挂雨微雲擎月萬頃琉璃秋  
向冷忍便翠銷紅歇北海樽罍西園游宴興逸  
湖山發飛塵不到坐移蓬島珠闕莫厭笑口  
頻開少年行樂事轉頭胡越公子多情真愛客  
敢憚深盃百罰太一舟輕芙蓉城鎖醉指神仙  
窟藥風歸去儘教吹亂華髮

又

平湖閣上正雌霓將捲雄風初發醉倚危欄吟  
眺處月在蓬萊溟渤蓬萊香浮桂華光放翻動  
蛟鼉窟踏輪誰信宓妃曾借塵鞮 人世景物  
堪悲等閒都換了朱顏雲髮遙想廣寒秋到早  
閒著幾多空濶太白詩魂玉川風腋自有飛仙  
骨嫦娥爲伴夜深同駕霜月

又

上德安王  
文甫生辰

麥秋天氣正玉杓斡暑熏絃鳴律浴佛生朝初  
過也還數佳辰三日筮水呈祥夢熊叶慶寶運  
符千一太平朝野異人端爲時出 須信家世  
蟬聯乃翁遺範在子孫逢吉霧隱巢雲聊寄傲  
行矣飛英騰實瀑布泉清爐峯氣秀光映霞觴  
溢萱堂爭看綵衣紅墮雙橘

醉落魄

友鶯夢蝶尋花問柳深相結教春去後羣芳歇



零落朋游辜負好時節  
眼邊愁緒多于髮  
迢迢一水通吳越  
舊歡新恨都休說  
坐煥殘紅沉  
醉碧天闊

又

鸞孤鳳隻而今怎忍輕拋擲  
知他別後誰怜惜  
一味恹惶辜負我  
怱憶雲山萬疊煙波急  
短書頻寄征鴻翼  
相逢後會知何日去也  
奴哥千萬好將息

又

空庭草積吹花風去春無迹鎖鸞深處應相憶  
紅染羅巾顰損眉山碧曲屏塵暗雙鷓鴣醉  
衾不煖爐煙溼一簾暝色人孤寂夢裏燈殘心  
上雨聲滴

又

紅嬌翠弱怨人珠淚頻偷落  
歸期莫負音牋約  
雨斷雲銷總是初情薄  
夜深秋氣生簾幙半

衾依舊空閒却故人何處孤舟泊兩岸秋聲一  
夜風濤惡

醜奴兒

次韵何文成燈  
下鏡中桃花

菱花鏡裏桃花笑清影團團月淡風寒深夜移  
燈許細觀 武陵溪上當時事何處飛鸞淚紙  
驚瀾飄盡紅英不忍看

西江月

歌徹秋娘金縷醉扳織女雲車而今誰復薦相

如拔劒茫然四顧 好景憑詩斷送閒愁著酒  
消除鏡中絲髮莫驚呼春滿珠簾繡戶

又

脉脉無端心事厭厭不奈春醒越羅衫薄峭寒  
輕試問幾番花信 萬點風頭柳絮數聲柳外  
啼鶯斜陽還傍小窗明門掩黃昏人靜

又

拽盡風流露布築城煩惱根基早知恁地淺情

時枉了教人恁地 惜你十分攔就把人一味  
禁持這回斷了更相思比似人間沒你

踏莎行

沉水銷紅屏山掩素鎖窗醉枕驚眠處芰荷香  
裏散秋風芭蕉葉上鳴秋雨 飛閣愁登倚闌  
凝竚孤鴻影沒江天算行雲嬾寄好音來斷雲  
暗逐斜陽去

又

釵鳳搖金髻螺分翠銖衣穩束宮腰細綠柔紅  
小不禁風海棠無力貪春睡 剪水精神怯春  
情意霓裳一曲當時事五陵年少本多情爲何  
特地添顚顚

望海潮

離情水泮歸心雲擾黯然凝竚江臯柳色搖金  
梅香弄粉依稀滿眼春嬌常記極遊遨更與持  
玉笋因解金貂郎去瞿塘妾家巫峽水迢迢

別來暗減風標際，碧雲暗斷翠被香。消春草生  
池芳塵凝榭，淒涼月夕花朝，千里夢魂勞。但鳥  
啼渡口，猿響山椒。擬把無窮幽恨，萬疊寫霜綃。

又

元日上都  
通魯大卿

雲龍雙輔，匣龍雙起，當年楚尾吳頭。借月命卿  
占星分使，來寬俗瘼。君憂繡指屈儒流。口暫輟  
北闕，小試南州。協奏薰風，霈爲霖雨，歲登秋  
春。工點綴芳柔。正梅凝笑臉，柳弄青眸。柏葉薦

觴椒花載頌休辭秉燭嬉遊乃眷在宸旒夏德  
標銀管名覆金甌共看朝天路穩歸拜富民侯

虞美人

醉尋芳艸城頭路底事頻凝竚麗譙直下小層  
樓鴛瓦重重勻砌幾重愁睡紅顰翠春風面  
咫尺無由見從教笑語落簷楹圖得香閨依約  
認郎聲

又



金谷遺音

十八

及古園

月娥弄影當窗照疑是巫山曉  
芙蓉帳裏睡魂驚淺拂輕勻猶恐已天明  
高樓未放梅花弄却就鴛衾擁舞腰纖瘦  
不禁春恣意任郎撩亂一梳雲

水龍吟

舊遊曾記當年鳳城雨露開晴  
畫端門發鑰御爐煙暗宮花影覆  
帝念民勞俾蔡輅傳暫臨牛斗散陽和  
照春光萬井來小試調元手  
職業

才華競秀漢廷臣無出其右九重眷倚頻虛槐  
鼎爭迎袞繡爽氣西山綠波南浦釀成芳酒趁  
銚車未到霞觴共祝百千長壽

長相思

你又癡我又迷到此癡迷兩爲誰天天天怎知  
長相思極相思願得姻緣未盡時今生重共  
伊

又

紅依稀綠依稀寒勒花梢開較遲  
蝶魂空自迷  
怕人疑使人疑人道閒愁想未知  
歌眉因甚  
低

又

蝶團飛鷲亂啼陌上花開人未歸  
碧臺歌舞稀  
月入扉風滿帷坐到黃昏人靜時  
清愁君不  
知

又

樹槎牙冰交加冷豔疎疎瘦影斜幾枝梅放花  
天一涯語三叉已是情多怨物華那堪更憶  
家

品令

困無力幾度偎人翠顰紅溼低低問幾時麼道  
不遠三五日你也自家寧耐我也自家將息  
驀然地煩惱一箇病教一箇怎知得

點絳脣

霽景澄秋晚風吹盡朝來雨夕陽煙樹萬里山  
光暮 一帶長川自在流今古人何處月波橫  
素冷漫蕪葭浦

又

緩解羅裳十分鴛履低腰素冰香微度一罇殷  
紅露 風折芳蓮影落盆池去多羞處怕人偷  
覷粉面頻回顧

又

著意栽銀砌成葉葉蓮花舫  
醉霞搖蕩恰似凌波樣  
自笑平生鯨吸侯陂量  
孤心賞不如深幌一榻酬千想

又

楊柳腰肢春來尙怯銖衣重  
眼波偷送笑把花枝弄  
雨帳雲屏一枕高唐夢  
春情動帶人嬌縱困彈釵橫鳳

又

醉倚危檣望中歸思生天際山腰渚尾幾簇漁  
樵市帆落西風一段蘆花水八千里錦書欲  
寄新雁曾來未

又

日薄風遲柳眠無力花枝妥燕樓空鎖好夢誰  
驚破寒食清明又等閒都過愁無那淚珠頻  
墮酒盡相思顆

玉樓春

小桃破盡風前萼。草草年華闌過。却十分清瘦。  
有誰知一點相思無處著。書憑雁字應難說。  
花與淚珠相對落。萬紅千翠儘春光。若比此情  
猶自薄。

又

春生澤國芳菲早。樓外牆陰聞語笑。東君著意  
到西園。點破施朱渾未了。楚雲算合吳天杳。  
天色沉沉雲擾擾。洞門深閉月輪孤。不見當時



金谷遺音

二十二

汲古閣

張好好

又

風光澹蕩雲容粹點染園林添況味花間照夜  
簇紅紗柳外踏青搖綠旆芳時不分空顚顚  
抖擻愁懷賒樂事羅衫一任泥塵泥拚了通宵  
排日醉

又

扁舟破浪鳴雙橈歲晚客心分萬緒香紅漠漠

落梅村愁碧萋萋芳草渡 漢臯珮失誠相誤  
楚峽雲歸無覓處一天明月缺還圓千里伴人  
來又去

又

井花暝處新陽動節物撩人添倥傯寒螿冰齒  
暈輕澌敗絮栗肌慳短夢 文章徹了成何用  
悶撥爐灰窺鉢甕尋思已得到春時預把五窮  
連夜送

又

冬日上江西  
曹魯大卿

漢皇受禪新堯統  
沼躍潛魚儀舞鳳  
五雲色備觀臺書  
萬世功成賢相用  
江湖襟帶蠻荆控  
摩撫民勞輸土貢  
願傾石尉望塵心  
來獻魯侯難老頌

又

一陽不受群陰壅  
殘曆行間冬破仲  
雲低吹白臘寒濃  
梅小綻紅春意重  
湖山千里勤飛控

淑氣冲融披水凍笑攜雨露灑民心暗聚精神  
交帝夢

又

黃鍾應律扶炎統舜日迎長佳節用娟娟芳意  
著花梢益益煥香浮酒甕壽觴喚取纖纖捧  
雨歇珠簾雲遶棟興來且伴橘中仙歸去却聯  
池上鳳

又

臺門瑞靄光陽動  
人語鼓聲沉洶洶  
觀風堂迥  
暗香飄捲雨樓前  
寒翠擁  
銑車促入承天寵  
丹詔啣來須彩鳳  
五絲宮線日邊長  
看補崑廊  
龍袞縫

又

送趙判官

陽關聲裏催行色  
馬惜離羣人惜別  
入懷風月  
記銜盃迎步溪山  
供散策  
陰飈斷渡江吹白  
晴靄吞雲天放碧  
懸知詩興滿歸途  
三四野梅

開的礫

又

尋春悞入桃源洞  
草草幽懽聊與共  
牢籠風月  
此時情做造溪山  
今夜夢  
柳蹊未放金絲弄  
梅徑已經香雪凍  
春愁離恨重於山  
不信馬兒  
馳得動

西地錦

回望玉樓金闕正  
水遮山隔風兒又起  
雨兒又

煞好愁人天色 兩岸荻花楓葉爭舞紅吹白  
中秋過也重陽近也作天涯行客

朝中措

亂山疊疊水泠泠 南北短長亭 客路如天杳杳  
歸心能地寧寧 春光荏苒花期冷落酒伴飄  
零鬢影黃邊半白 燒痕黑處重青

阮郎歸

燭花吹盡篆煙青 長波拍枕鳴 西風吹斷雁鴻

聲離人夢暗驚 鄉思動旅愁生誰知此夜情  
亂山重疊擁孤城空江月自明

滿江紅

雁陣驚寒故喚起離愁萬斛因追念鏡鸞易破  
鳳絃難續詩句已憑紅葉去夢魂未斷黃梁熟  
歎浪萍風梗又天涯成幽獨 歸來引相思曲  
塵滿把淚盈掬對長天遠水落霞孤鶩立盡西  
風無好意遙山也學雙眉感恨草根不逐鬢根



摧秋夏綠

浪淘沙

好恨這風兒催俺分離  
船兒吹得去如飛  
因甚眉兒吹不展  
耐風兒不是這船兒  
載起相思  
船兒若念我孤恁  
載取人人蓬底睡  
感謝風兒

聲聲慢

花前月下好景良辰  
厮守日許多時  
正美之間

何事便有輕離無端珠淚暗敷染征衫點點紅  
滋最苦是慇懃密約做造相息 咿啞櫓聲離  
岸魂斷處高城隱隱天涯萬水千山一去定失  
花期東君鬪來無賴散春紅點破梅枝病成也  
到而今著個甚醫

憶秦娥

秦樓月秦娥本是秦宮客秦宮客夢雲風韻借  
仙標格 相從無計不如休如今去也空相憶

空相憶尊前歡笑夢中尋覓

菩薩蠻

酒濃花豔秋波滑舞餘腰素花枝活相見又還  
休不禁歸去愁 醉衾成獨擁月冷知霜重早  
是夢難成梅花腸斷聲

又

雪香白盡江南隴煥風綠到池塘夢疊影上簷  
明夜湖春水生 踏青何處去楊柳橋邊路不

見浣花人汀洲空白蘋

又

花銷玉瘦斜平薄舞衣寬盡腰如削因甚不勝  
嬌烏雲橫鬢翹雙娥顰淺黛鸞鏡愁空對羅  
袖晚香寒淚珠和粉彈

惜奴嬌

我已多情更撞著多情底你把一心十分向你  
盡他們劣心腸偏有你笑你撇了人只爲箇你

宿世冤家百忙裏方知你沒前程阿誰似你  
壞却才名到如今都因你是你我也沒星兒恨  
你

又

合下相逢算鬼病須沾惹閒深裏做場話霸負  
我看承枉馳我許多時價冤家你教我如何割  
捨 苦苦孜孜獨自箇空嗟評便心腸捉他不  
下你試思量從前說風話冤家休直待教人

呪罵

江城子

青青楊柳水邊橋  
水迢迢柳搖搖  
緩引離觴頻駐  
木蘭燒  
我是行人君是客  
俱有恨總無聊  
水漸波浪煥瓊瑤  
舞晴飈  
拂春潮  
一片別魂銷  
盡遣誰招  
不似嚴陽山上雪  
魂易盡雪難銷

又

相逢執手也踟躕  
立斯須  
話區區  
借問來時曾

見邨人無忍淚啼痕香不減雖少別忍輕辜  
霜風搖落歲將徂景凋疎恨縈紆過盡行雲我  
狂與誰居一掬歸心飛不去層浪疊片蟾孤

如夢令

照水粉梅開盡春淺峭寒猶甚秋氣著人衣斗  
帳玉兒生暈邨更邨更簾外月斜風橫

又

風獵亂香如埽又是粉梅開了庭戶鎖殘寒夢

斷池塘春艸情悄悄情悄悄簾外數聲啼鳥

又

折寄隴頭春信香淺綠柔紅嫩插向鬢雲邊添  
得幾多風韵但問但問管與玉容相稱

亭前柳

有件偷遮算好事大家都知被新冤家矁索後  
沒別底似別底也難爲識盡千千并萬萬那  
得恁海底猴兒這百十錢一箇潑性命不分付



待分付與誰

好事近

幸自得人情只是有些脾鱉引殺俺時直甚損  
我兒陰德情知守定沒乾休乾休冤俺急今  
夜這回除是有翅兒飛得

又

微雨洒芳塵醞造可人春色聞道夢雲樓外正  
小桃花發慇懃留取最繁枝樽前待閒折準

擬亂紅深處化一雙蝴蝶

夜行船

昨日特承傳誨欲相見奈何無計這場煩惱捻  
著豪曉夜價求天祝地教俺兩下不忤濟你  
莫却信人調戲若還真個肯收心厮守著快活  
一世

又

漏永迢迢清夜露華濃洞房寒乍愁人早是不

成眠奈無端月窺窗罅  
心心念念都緣那被  
相思悶損人也冤家你若不知人這懽娛自今  
權罷

茶瓶兒

相對盈盈一水多聲價開名得字剛能見也還  
拋棄負了萬紅千翠  
畱無計來無計成何況  
味而今若沒些兒事却枉了做人一世

清平樂

送同舍  
周智隆

惱花風雨斷送春將算底死留春春不住卽更  
送春歸去 今朝且賦歸與明年春滿皇都笑  
泛桃花錦浪與君同醉西湖

又

天涯重九獨對黃花酒醉撚黃花和淚嗅憶得  
去年攜手 去年同醉流霞醉中折盡黃花還  
是黃花時候去年人在天涯

又

金名選 三十二  
見時怜惜不見時思憶花柳光陰都瞬息把光  
陰虛擲 才郎妾貌相當有些似欠商量看你  
忔憎模樣更須著我心腸

又

醉紅宿翠髻鞦韆烏雲墜管是夜來不得睡卽更  
今朝早起 春風滿搦腰肢堦前小立多時恰  
恨一番雨過想應溼透鞋兒

又

山明水嫩瀟洒桐廬郡極目風煙無限景說也  
如何得盡 自怜俗狀塵容幾年斷梗飄蓬借  
使嚴陵知道祇應笑問東風

又

霽光搖目春入郊原綠殘雪壓枝堆爛玉特聞  
枝間蔌蔌 瘦藤細履平沙醉巾一任欹斜落  
日數聲啼鳥香風滿路梅花

一剪梅

送晁  
駒父

萍水相逢無定居同在他鄉又問征途離歌聲  
裏客心孤花盡園林水滿江湖 煙樹微茫帶  
岸蒲何處長沙何處洪都要知安穩到家無千  
里征鴻一紙來書

浣溪沙

宿醉離愁慢鬢鬟

韓偓

綠殘紅豆憶前懽

叔原

錦江春水寄書難

叔原

紅袖時籠金鴨煖

少

游

小樓吹徹玉笙寒

李璟

爲誰和淚倚闌干

中

行

又

柳岸梅溪春又生  
風枝斜裏雪枝橫  
空牽歸興  
惹離情  
灰盡寸心猶自熱  
淚承雙睫不能情  
夢雲樓隔豫章城

又

迎客西來送客行  
堆堆歷歷短長亭  
人殘酒  
不能醒  
煙染暮山浮紫翠  
霜凋秋葉復丹青



憑誰圖寫入銀屏

又

幾曲屏山數幅波  
雁聲斜帶夕陽過  
卸帆聊醉菊花坡  
旅枕夢魂歸路遠  
秋江風緊夜寒多  
薄情還解憶人麼

謁金門

歸不去  
歸去又還春  
算洞裏小桃  
音信阻幾番  
風更雨  
相伴竹筇芒屨  
穿盡松溪  
花塢早是

行人貪道路聲聲聞杜宇

又

雲樹直雨歇半空猶溼山影插尖高幾尺依依  
銜落日遠岬雙飛鷓鴣一水無情自碧颯颯  
白蘋風正急斷腸人獨立

又

春睡重睡起煙銷鸞鳳著雨柳綿吹易動風簾  
花影弄過雁空勞目送縱有音書何用有意

相思無意口不如休做夢

又

風又雨斷送殘春歸去人面桃花在何處綠陰  
空滿路立馬垂楊官渡一寸柔腸萬縷回首  
碧雲迷洞府杜鵑啼日暮

又

山雨絕山重冷如水雪窗外芭蕉三兩葉影排  
窗上月醉枕驚回蝴蝶好夢無人共說心事

悠悠芳艸歇不眠聽鼠噉

杏花天

把盃莫唱陽關曲行客去居人恨跼屏山似展  
江如簇不見罇前醉玉 鵲啼處怨聲裂竹問  
後夜闌舟卹宿帛書早繫征鴻足腸斷絃孤怎  
續

南歌子

蟻酒浮明月鯨波泛落星春花秋葉幾飄零只

有廬山君眼向人青  
明日非今日長亭更短  
亭不辭一飲盡雙餅  
爭奈秋風江口酒初醒

又

草色裙腰展水客水鏡開  
又還春事破寒來  
一夜東風吹綻後園梅  
糯甕萑香釀熏爐續麝  
煤休驚節物暗相催  
羸取大家沉醉探春盃

又

鳳髻斜分翠鴛鞋  
小砑紅東君著意綺羅叢  
最

好一枝特地怨春風  
懊恨無情語嬌羞忍笑  
蓉相看疑是夢魂中  
怕逐飛雲歸去斷行蹤

又

疇昔飛鸞侶而今斷雁行  
西風嶺外下斜陽無  
賴一鉤新月挂人腸  
雙淚沾襟袖孤燈對客  
床枕餘衾剩只殘香  
別得嬌癡不睡也思量

又

春淺梅紅小山寒嵐翠  
薄斜風吹雨入簾幕夢

覺南樓嗚咽數聲角  
歌酒工夫嬾別離情緒  
惡舞衫寬盡不堪著  
若比鄰回相見更消削

又

亂絮飄晴雪殘花繡地衣  
西園歌舞驟然稀  
只有多情蝴蝶作團飛  
舊事深琴怨新愁減帶  
圍倚樓凝望更依依  
怕見一天風雨捲春歸

武陵春

走去走來三百里  
五日以爲期  
六日歸時已是

疑應是望歸時  
鞭箇馬兒歸去也  
心急馬行遲  
不免相煩喜鵲兒  
先報那人知

減字木蘭花

贈何藻

新荷小小比目魚兒  
翻翠藻小小新荷點破清  
光景趣多  
青青半捲一寸芳心  
渾未展待得  
圓時罩定鴛鴦一對兒

又

空階雨過細艸搖搖  
光入座斜日多情戀戀幽



窗故故明 沉吟無語立  
遍梧桐庭下樹病葉  
先秋零亂風前片段愁

又

角聲催曉斗帳美人初夢覺  
黛淺粧殘清瘦花  
枝不耐寒 匆匆睡起冷落餘香  
栖翠被何處  
陽臺雨散雲收猶未來

柳梢青

雲髻盤鴉眉山遠翠臉暈微霞  
燕子泥香鵝兒

酒煥曾見來邨 秋光已著黃花又恰恨尊前  
見他越樣風流惱人情意真個寬家

烏夜啼

瀟湘雨打舩篷別離中愁見拍天滄水攪天風  
留不住終須去莫匆匆後夜一尊何處與誰

同

愁倚欄

又名  
春光

人好遠路能長奈思量更放晚來些小雨做新

金谷遺音

三十九

汲古閣

涼 衰艸低襯斜陽斜陽外水冷雲黃借使有  
腸也須斷況無腸

又

淮水闊楚山長恨難量不道愁離人獨夜夏天  
涼 佳節虛過重陽更籬下拆盡疎黃看取清  
溪三百曲是回腸

滿庭芳

上張  
紫微

筆走龍蛇詞傾河漢妙年德藝雙成帝庭敷奏

親擢冠羣英龍首其誰不取便直饒勛業崢嶸  
偏他甚潑天來大一箇好聲名憶曾瞻拜處  
當年汝水今日湓城歎白首青衫又造賓閣謹  
贊詩文一卷仗仙風吹到蓬瀛依歸地熏香摘  
豔作箇老門生

又

次范倅憶  
洛陽梅

蘭畹霜濃柳溪冰咽春光先到江梅瘦枝疎萼  
特地破寒開鈎引天涯舊恨雙眉鎖九曲腸回

空銷黯故園何在風月漫長淮  
當年吟賞處  
醉仙顚倒飛屑成堆怎奈向而今雨悞雲乖萬  
里難憑驛使那堪對別館離盃誰知道洛陽詩  
老還有夢魂來

又

瘦頰凝酥殘粧弄酒相逢一笑東風竝肩攜手  
羞落可怜紅疑是回心院裏埋醉首吐作芳馥  
無端處雄蜂雌蝶相美兩情通  
一從攀折後

漢臯珮失銅雀春空想桃葉桃根此恨能同多  
謝金鑾舊客收拾在芸閣籤中還知否竊香傳  
粉輸與蠹書蟲

又

寄別

修竹接藍梅山聳翠小小佳處西安從來聞說  
今日遠來看便好求田問舍耳溪澗目飽林巒  
爭知道塵緣未了無計與盤桓小蠻應念處  
絃孤么鳳鏡掩孤鸞愁再見多情素日閒閒早

晚扁舟兩槳驚翠枕雲巘風湍從前去慙勤細  
數細數萬重灘

夏漏子

彈吟鞭歆醉帽行盡關山古道霜滿地水平田  
雁兒聲在天北沙門南浦岸望得眼穿腸斷  
桐樹巷夢雲樓玉兒應也愁

又

燭銷紅窗送白冷落一衾寒色雞喚起馬馳行

月昏衣上明 酒香唇粧印 臂竟夜人人共睡  
魂蝶亂夢驚孤知他睡穩無

行香子

你也嬌癡我也狂迷望今生永不分離如何別  
後三換梅枝是好相知不相見只相思 良辰  
美景賞心樂事負我辜伊鳳絃再續鸞鑑重窺  
且等些時說些子做些兒

画堂春



寒蛩切切響空幃斷腸風葉霜枝鳳樓何處雁  
書遲空數歸期沈腰春瘦却成宋玉秋悲又  
還辜負菊花時沒箇人知

山花子

落日秋風嶺上村全稀過雁少行人正是悲傷  
愁絕處更黃昏漠漠野煙生碧樹漫漫衰艸  
際黃雲借使管人行到此也銷魂

燕歸梁

樓外春風桃李陰記一笑千金翠眉山歛眼波  
侵情滴滴怨深深當初見了而今別後算此  
恨難禁與其向後兩關心又何似而今

望江南

山又水雲巘帶風灣斷雁飛時天拍水亂鴉啼  
處日銜山疑在画圖間人漸遠遊子損朱顏  
別淚空沾雙袖溼春心不放兩眉閑此去幾時  
還

青玉案

征鴻過盡秋容謝  
捲離恨還東下  
剪剪霜風落  
平野溪山掩映水煙搖曳  
幾簇漁樵舍  
芙蓉  
城裏人如画  
春伴春遊夜  
轉夜別後知他如何  
也心隨雲亂眼隨天斷  
淚逐長江瀉

蝶戀花

別後相思無限期  
欲說相思要見終無計  
擬寫  
相思持送伊如何  
盡得相思意  
眼底相思心

裏事縱把相思寫盡憑誰寄多少相思都做淚  
一齊淚損相思字

又

寒卸園林春已透紅著溪梅綠染前堤柳見箇  
人人今感舊引盃相屬蒲塘酒金縷歌中睂  
黛皺多少閒愁借與傷春瘦明日馬蹄浮野秀  
柳顰梅慘空回首

又

薄倖人人畱不住楊柳花時還是成虛度一枕  
夢回春又去海棠吹落胭脂雨金鴨未銷香  
篆吐斷盡柔腸看取沉煙縷獨上危樓凝望處  
西山暝色連南浦

驀山溪

鶯鶯燕燕搖蕩春光嬾時節近清明雨初晴嬌  
雲弄煥醉紅溼翠春意釀成愁花似染草如剪  
已是春強半小鬟微盼分付多情管凝睇不

知愁想怕晚貪春未慣主人好事應許玳筵開  
歌眉歛舞腰軟怎向輕分散

又

小花靜院有個人人現縹緲更娉婷算不數歌  
朋無伴鳴珂曲裡常記偶相見無語恨有情愁  
綠嫩紅粧淺別來誰念人面關山遠凝睇倚  
危樓眼波長眉峯不展一年心事到此向誰論  
書雁杳夢雲深寂莫江天晚

又

醉魂初醒強起尋芳徑一似楚雲歸諂沒箇鱗  
書羽信疎狂蹤跡虛度可憐春陰還悶晴還困  
贏得無端病菱花寶鏡拆破雙鸞影別袖忍  
頻看生怕見啼紅醉粉而今顚顚瘦立對東風  
紅成陣綠成陰況是春將盡

千秋歲

春工領畧點破羣花萼對流景傷淪落踏青心

縷嬾病酒情懷惡無奈處東風故故吹簾幙  
腕玉寬金約一去音容邈魚與雁應難託從前  
多少事不忍思量著心撩亂斜陽影在欄干角

傳言玉女

雪壓梅梢金裊柳絲輕歛錦宮春早乍風和日  
煥華國翠路九陌綺羅香滿連空燈火滿城絃  
管月射西樓更交光照夜宴萬人擁路指鼇  
山笑看花旗翠帽到處朱簾高捲歸時常是漏



殘銀箭

余初閱蔣竹山集至人影窗紗一調喜謂周秦  
復生人恐向雪寡和既更得次仲金谷遺音如  
茶瓶兒惜奴嬌諸篇輕倩纖艷不墮顏奶之蘭  
心蕙性之鄙俚又不墮霓裳標綉襍佩珊之登  
架方之蔣勝欲余未能伯仲也湖南毛晉識

金谷遺音

終